



*Шогмо эл, порымш да гим бер!*

Будь готов/

# ЯМДЕ-ЛИЙ

1933 ий 1 февраль годсек лектеш.

0+

## Йолташетым возалташ үж!

Х.АЛЕКСАНДРОВАН фотожо-влак.



**ПОДПИСКЕ**

Национальный президент школ-интернатыште тунемше-влак «Ямде лий» газетым куанен лудыт. Шке гына огыл. Лудмашке марий вургеман маскам, мераным, рывыжым, агытаным, курчакым ушат. Йоча-влак нунын дене курчак театрла модыт. Изи артистшамыч янлык йүк дене кутырат, тунамак муралтен колтат. Икте газетыште ойлымашым лудаш йората, весе суретым чиялта, кумшо примерлан вашмутым кычалеш, нылымше түрлө арверым ышта. «Ямде лийыште» кажне йоча шканже келшыше пашам муэш.

*Подпискым  
ыштыше-влак  
коклаште лотерей  
модышым эртарена. Тушко  
ушнаш манын, квитанцийын  
копийжым редакцийышке колтыза.*

**Индекс – П4696.  
Ак – 363 тенгеат 18 ыр.**

**5 гыч 15 апрель марте шулдырак ак  
дене возалташ вашкыза.**

Газетым ынде онлайн  
налын кертыда.  
**Кугарня24.рф** сайтыште  
«Кевыт» ужашыш  
пурыза да келшыше  
номерым ойырыза.  
Тичмаш газет электрон  
почтышыкыда толеш.

**1 апрельыште 2021 ийын кокымшо  
пелийжылан подписке тўғалын.  
Йоратыме газетлан түрлө йон дене  
возалтын кертыда:**

- ✓ верласе почто отделенийышке мийыза але почтальон-влак гоч квитанций дене ыштыза;
- ✓ **podpiska.pochta.ru** сайтыш пурыза але «Почта России» мобильный приложений гоч онлайн возалтса;
- ✓ редакций гоч (альтернативный подписке);
- ✓ электрон подписке: **89027382237** номерышке 150 тенгем пыштыза да **yamde\_lii@mail.ru** адресыш лўмнердам возен колтыза. Газетын электрон версийже (PDF формат) пел ий мучко тендан электрон адресышыкыда мияш тўналеш.

«Ямде лий» газетлан Пошкырт кундем, Татарстан, Удмурт республикаште илыше-влак возалтын кертыт.

Рекламе



## Калык модыш – ЧОН ПОЯНЛЫК



Авторын фотожо.

Кужэңер район Шүдымарий школ гыч Даниил Горинов почеламутым шке возымо дене икымше верыш лектын. Чылаже 24 паша аклалтын.

«Самырык тукум» йоча усталык республикысе конкурс 30 мартыште Республикысе курчак театрыште иктешлалтын. Тений конкурсышто кок тагас лийын: «Калык модышым модын ончыктымаш» да «Шочмо эл нерген шке гыч возымо почеламут».

У Торъял район Кузнеч школысо «Мурсескем» фольклор кружокыш коштышо ўдыр-рвезе-влак (снимкыште) туныктышо В.И.Федорован вуйлатымыж почеш поян калык ойпогым чумыреныт да сценыште модын ончыктеныт. Тыге икымше верым сенен налыныт. Тагасымашке 12 коллектив ушнен.

Арамлан огыл кугу тўткыш калык модышлан ойыралтын. Йоча-влак модыш гоч шочмо калыкын илыш-йўлажым, илыш ойыртемжым пален налыт. Модыш икшывын уш-акылжым, тўткылыкшым пўсемда, калык ой дене келшен илаш, икте-весым пагалаш туныкта.

Л.ГРИГОРЬЕВА.

### Увер

«Формирование комфортной городской среды» нацпроект почеш, 26 апрель гыч 30 май марте [za.gorodsreda.ru](http://za.gorodsreda.ru) сайтыште 2022 ийыште тўрлў объектым тўзатыме верч йўклымаш эртаралтеш. Тушко 14 ияш да кугурак ийготан ен-влак ушнен кертыт. Госуслуги портал гоч йўклаш лиеш.



### Историйым шергалына

1945 ий 4 апрельыште совет войска Словакийын рўдолажым, Братиславым, фашист тўшка деч утарен.

Йўратем, кў тўняште усталыкше дене Тырша сылнылык верчын эре.  
Г.ОЯР.

### Икымше улам

Мый 3-шо класс гычак «Живая классика» конкурсышто мастарлыкемым тергем. Марий сылнымутан произведенийым лудам. 7-ше классыште тунеммем годым республикысе тагасымаште сенгышыш лектынам. Тений районысо йыжынгыште 1-ше верым налынам. Районын чапшым республикыште аралаш тўналам. Конкурс онлайн эртаралтеш. Иктагаш йолташ-влакын сылнымутан произведенийым лудмыштым ончен огына керт.

Дима ВЕДЕНЬКИН.

1-ше номеран Шернур школ.

### Российысе увер

Российысе просвещений министерстве «Перемена с книгой» акцийым увертарен. Тудо 23 апрель марте шуйна. Келшыше книга дене перемене годым фотом ыштыза да соцкыллаште #переменаскнигой, #читаемкнижки хештегла дене верандыза. Эн сай фото-влаклан – пўлек.

9-ше классыште тунемше-влак ешартыш предмет дене ОГЭ-м огыт кучо. Тудын олмеш тергыме пашам возат: 18 май – биологий, руш литератур, информатике да ИКТ дене; 19 май – физике, историй дене; 20 май – обществознаний, химий дене; 21 май – географий, йот йылме дене.

Российысе просвещений министр Сергей Кравцовын ойжо почеш, обществознаний дене у учебникышке еш, воспитаний темылам пуртымо.

### Марий Элысе увер

У Торъял школын 11-ше классыштыже тунемше Григорий Ложкин химий дене всероссийский олимпиадын пытартыш йыжынгыштыже призер лийын. 280 балл гыч 164,25 баллым поген. Туныктышыжо – Л.Э.Глушкова.

Ўдыр-рвезе-влак, «О звездах с любовью» республикысе конкурсыш 10 апрель марте ушнен кертыда. Сўретым сўретлен, почеламутым але ойлымашым возен, #озвездахсЛюбовью, #активМП\_12 хештегла дене ВКонтакте але Instagram лаштыклаш верандыза.

1-11-ше класслаште тунемше-влак «Национальный герой» шымлыме да усталык паша республикысе дистанционный конкурсышто мастарлыкштым терген кертыт. Тагасымаш 23 апрель марте шуйна. Тўрыс уверым [rv12.ru](http://rv12.ru) сайтыште лудса.

**8 апрель –  
Российысе  
анимаций  
кече.**

Мультфильм але йомак гыч палыме геройым ужын, кажне йоча йывырта. Айдеме кўкшытан курчакым вашлиймеке, куанже мыняре! А те паледат, курчакын вургемже йымалне кō шылын? Аниматор. Тачысе героем – Йошкар-Оласе Тўвыра да каныме рўдō паркыште режиссёрлан тыршыше, вўдышō да аниматор **К.Р.МИХАЙЛОВ (снимкыште)**.

## Йочам курчак куандара

– Кирилл Радикович, аниматор лияш мо таратен?

– Кодшо курымын 90-ше ийлаштыже аниматор нерген шагал ег пален. Тунам ты пашам клоун-влак шуктеныт. Мый аниматор лиям манын ни гунам шонен омыл. Йошкар-Оласе рўдō паркыште пайремым эртараш ег кўлын. Тушко мыйым йолташем ўжын. Тунам аниматорын пашажым сайын пален омыл гынат, маска курчакын вургемжым чиен, йоча-влак дене пырля веселитленам. Тыге микрофоным кидыш икымше гана кученам. Ты профессий нерген утларак пален налын, йоча-влак дене мутланаш, нуным куандараш, модыкташ тунемынам.

– Тугеже ўдыр-рвезе-влак коклаште те шкежат йочаи савырнада?

– Пырля модын, веселитлен, шкежат йочала чучам. Нуно мемнам эн пиаланым ыштат. Вийым пуат, пашалан кумыландат. Ме, аниматор-влак, модмо йōре йочашамычым молан-гынат туныктышаш улына. Ямдылыме программым ончен, йоча-влак

кўлешанжым шарнен кодышт манын тыршена. А программым ме тачысе илышлан кельштарена.

– Герой-влаклан костюмым ике ямдыледа?

– Йошкар-Оласе Тўвыра да каныме рўдō паркын вургемжым ургымо цехше уло. Костюмер-влак ий мучко тўрлō вургемжым ямдылат.

– Тыланда пайремыште вўдышō лияш але иктаж геройым модаш утларак келша?

– Мыланем тўрлō геройын образшым чогаш логалын: Маска, Незнайке, Клоун да молат. Аниматор артист гай лийшаш. Тидлан мый кызытат тунемам. Пытартыш жапыште сценышке вўдышō семын лекташ утларак логалеш.

**Е.ИВАНОВА.**

Фотом еш архив гыч налме.



### Сенгымаш

Медведево тўвыра рўдерын «Маска» калык самырык театрже Юл кундем федерал округысо «Театральное Приволжье»

йоча да самырык коллектив-влак фестивалын окружной йыжынгыштыже «У войны не женское лицо» спектакль дене

кокымшо верыш лектын. Театр «Идалькын тематикыжым почын пуышо эн сай спектакль» тангасыштат ойыртемалтын.

### Чылт артист гай кертыт

Руэм школышто Театр кечылан пōлеклалтше «Театр. Школа. Дети» проект иктешлалтын. Йоча-влак сылнымутан произведений почеш спектакльым модын ончыктеныт. Пашашке ача-ава-влакат ушненыт: декорацийым да костюмым ямдыленыт. Тыршыме арам лийын огыл – чылт театрыште улмыла чучын, йоча-влак рольым устан модыныт.

**ЛИВАНОВА.**

Медведево район.

**СНИМКЫШТЕ: 2-шо «Б» классыште тунемше-влак.**

Авторын фотожо.

**Иктешлыме почеш икымше верыш лектын:** 1-ше «Б», 2-шо «Б», 3-шо «Д», 4-ше «А», 4-ше «Б» класслаште тунемше-влак.

Фотом Интернет гыч налме.



Шернур район Марисола школын 6-шо классыштыже тунемше-влак Алёша, Никита, Илья Шабдаровмыт (**снимкыште**) «Фейерверки талантов» всероссийский конкурс-фестивалыште сенгышыш лектын. Нуно «Весела рвезе-влак» куштымашым ончыктеныт. Вуйлатышышт – Т.Э.Шабдарова.



## Сенгымаш дене – ончыко

7 апрель –  
Тазалькын  
тўнямбал  
кечыже.



**Ф  
И  
З  
К  
У  
Л  
Ь  
Т  
-  
У  
Р  
А**

Настя Кошпаева (**снимкыште**) Кужэнер район Токтайбеляк школын 8-ше классыштыже тунемеш. Тренер А.Е.Ельмикеевын вуйлатыме карате секцийыш коштеш.

– Карате капкылым пенгыдемда, виян да лўддымў лияш туныкта. Йоча дисциплинылан тунемеш, шоны-машкыже шуаш тырша. Мый спортын ты видше дене кандашымше ий кылым кучем. Арнялан кум гана тренировкыш коштам. Тыгак мўнгыштў кок-кум шагатым ойырем. Александр Егоровичын моштен тренироватлымыжлан кўра ятыр сенгымашыш шуынам. Тудлан кугу таум ойлем, – ойла Настя.



Фотом еш архив гыч налме.

Самырык спортсменке республикысе тагасымашлаште зре сенгышыш лектеш. Всероссийский тагасымашке кок гана ушнен. Кок гана жат лу эн сай спортсмен радамыш логалын. Звенигово районын да Йошкар-Олан первенствылаште 1-ше верым налын. Марий Эл Республикын кубокшо верч тагасымаште икымше лийын. Настя сенгымаш дене ончыко кая.

**Е.ИВАНОВА.**

## Ияш тунемам

«Таза капыште – таза чон», – ойлат калыкыште. Чынак вет? Спорт дене изинек кылым кучет гын, виян да чулым лият. Шольым дене коктын Звенигово олесе «Жемчужина» спорткомплекс пеленысе бассейныш коштына. Кенеж марте ияш тунемнена. Шокшо кенеж кечын яндар вўдан ер воктене жапым утларак эртарынена.

**Аня ВИНОГорова.**  
Звенигово, 2-шо №-ан  
Красногорский  
школ.

## Кок спортсмен

Арбор школышто йоча-влак спорт дене пенгыде кылым кучат. Изирак классла гыч ўдыр-рвезе-влак кугурак ийготан йолташыштым ончен тунемит. 1-ше классыште тунемше Ростислав Васинкин ече дене районысо тагасымашлаште чўчкыдын икымше верым налеш. Йолташыже Даниил Ивановат шентелан огеш код. Нуно Татарстан Республикышкат миеныт.

**Диана СЕМЕНОВА.**  
Марий Турек  
район.

Футболистан мечым капкаш пурташ полшыза.



Морко посёлкышто шахмат дене районысо тагасымаш эртаралтын (**снимкыште**). Тушко 48 йоча ушнен. Ўдыр-рвезе-влак швейцарский системе почеш модыныт. Коркатово лицейын командыже сенгышыш лектын.

**Л.ПЕТРОВАН фотожо.**



Тале тренер С.Р.Александров лўмеш ече дене республикысе тагасымашым Морко районысо Шўргыял школ эртарен. Тушко тўрлў кундем гыч тўрлў ийготан 150 ечызе ушнен. Нунын коклаште йоча-влакат лийыныт (**снимкыште**). Спонсор-влакын полшымыштлан кўра сенгыше-влак шарнымаш пўлек да Чапкагаз дене палемдалтыныт.

**Е.ГРИГОРЬЕВАН фотожо.**



# УМЫЛО МЫЙЫМ, АВАЙ!

Оля латик ийым темен. Школышто сайын тунемеш, ача-аван мутыштым колыштеш, но лишыл йолташыже уке. Кеч школышто, кеч мӱнгыштӱ – эре гаяк шкетын. Ача-ава эре пашаште улыт.

Икана Оля книга кевытыш пурышат, «Удыр-влаклан дневник» манын возыман мотор сӱретан тетрадьым шекланыш. Лаштыклен лекте. Удырлан пеш келшыш, тунамак аважлан йынгыртыш:

– Авай, мый кевытыште онгай тетрадьым верештым. Тушан тӱрлӱ нерген возкалаш лиеш. Моткочак налнем, тый тореш от лий?

– Тудо тыланет молан кӱлеш?! Тетрадь олмеш шоколадым налын коч! – шоктыш телефонышто.

Олян кумылжо вошыш гынат, шонымыжым садак ыштыш: дневникым нале. Удыр шиже: аваже ты ганат тудым ыш умыло. Тылеч вара Оля куанжым, ойгыжым, сенымашыжым – икмана, чылажымат дневникеш возаш тӱнале. Тетрадь лишыл йолташыш савырыныш.



Ик кечын Оля дневникшым корандаш мондыш – ӱстембалан киен кодо. Аваже, ужын шуктен, возымым лудын лекте. Кастене, еш погынымеке, ава Оля чылан ончылно чевертарыш.

– Авай! Тый мыйым нигунам умылен отыл! Молан тыге ыштышыч?! – удыр уло шыдыж дене кычкыраде да шортын лектын куржо.



Илыш сӱретым лудмеке, йодыш-влак лектыт: йочалан дневникым вӱдыман мо? Тудым ача-ава лудшаш мо? Психологий да педагогике, медицине да социальный полшышым пуышо «Детство» рӱдерын педагог-психологшо Л.А.ГЛАЗКОВА (снимкыште) нине йодыш-влаклан вашмутым пуа:



– Эн ончыч йочалан могай сынан дневникым вӱдаш пайдале улмым рашемдыман. Мутлан, тӱрлӱ темылан келшышым: школ илыш, ончыкылык нерген шонкалымаш, йӱратымаш, йолташ да тулеч моло. Изирак ийготан-влакын дневникышт пӱртӱс, янлык нерген лийын кертеш. Ача-ава, йочан койгыш-шоктышыжым шотыш налын, дневникым ойыраш полшышаш. Но тудым кузе вӱдымӱ, мом возымо шотышто ой-канашым пуыман огыл.

## Дневникым вӱдымашын икмыняр пайдалыкше:

- ✓ йоча шке шонымашыжым кагазеш возаш тунемеш, мут поянлыкше ешаралтеш, лудмо да возымо мастарлыкше вянгеш – тиде сочиненийым возымо годым кӱлеш;
- ✓ возымым уэш-пачаш лудын, тӱрлӱ ситуацийым иктешлен, акым пуэн, келшыдымым корандаш йӱн лиеш;
- ✓ йоча шонкалаш, иктешлаш, планым ышташ тунемеш;
- ✓ шӱм-чон шижмаш вашталтеш.

Дневникым арамлан огыл «личный», шкен гына маныт. Йоча – тиде личность, айдеме. Тудынат шке праваже уло. Ача-ава-влак икшывыштым йӱратат, умылат, ӱшанат да пагалат гын, тудын дневникшым нигунам огыт луд. Дневникыште чыла возымылан ӱшанаш ок лий, коклан йоча шке гыч шонкален серен кертеш. А ача-ава-влак, тидым лудын, шке семынышт умылен, икшывым титаклаш тӱналыт. Тыге йоча ача-авалан ӱшанымым да пагалымым чарна. Йочан дневникшым шолып лудман огыл, а тудын дене чон почын мутланыман, икшывым умылаш тыршыман.



Л.ГРИГОРЬЕВА ямдылен.

## Ийготыш шудымо йочам йотӱлыш налгаяш лиеш мо?

Медведево районысо прокурорын полшыкалышыже, юрист А.И.КОВАКИЧ (снимкыште) умылтара:

## Юрист умылтара



– Российысе Федеральный закон дене келшышын, ийготыш шудымо йоча йотӱлыш ача але ава, опекун, ашнаш налше ег дене пырля каен кертеш. Ача але ава тореш лиеш гын, йотӱлыш кайыме нерген йодышым суд рашемда.

Йочалан вес элыш каяш йотӱллык паспортым ыштыман. Тидлан ача але ава йодма-

шышм возышаш. 14 ийым темыдыме икшывым ачан але аван йотӱллык паспортшыже палемдаш лиеш.

Ийготыш шудымо йоча йотӱлыш ача-ава деч посна кая гын, пеленже паспорт, ачан але аван, опекунын, ашнаш налше егын йотӱлыш колташ келшымыже нерген документ лийшаш. Тудым нотариус дене пенгыдемдыман. Документеш могай элыш да мыняр жаплан кайымым ончыктыман.



Эр кече  
чоным шымата, пуй-  
то шошо толмым  
шижтара. Но теле  
шошылан ынеж

Интернетыште муам.

– Ик верыште шинчен от нойо мо? –  
орын йодеш чүчүжө.

– Мый тыге канем, – вaшешта Ванюк.

– Шырчык омартам кө төрла? Шырчык-  
влакын изи пörтышт изишак

## Алевтина БОГДАНОВА ШЫРЧЫК ОМАРТА «МАСКА» ДЕЧ УТАРЕН

шелын. Ала у  
омартам ыштена  
да сад-пакчaсе  
олмапуш сакена?

– Тек тошто  
пörтыштак илат.

Садак тышке кужу  
жаплан толын огытыл.

– Ваню, шулдыран  
унам тыге огыт ваш-  
лий, – чүчүжын ку-  
мылжо волыш. –

Шокшынак чий.  
Шырчык омартам

ышташ каена. Уке  
гын шырчык-влак  
мыланна сырат да  
сад-пакчaсе шукшы-  
мат огыт коч.

Ваню «Эх» мане-  
шат, шокшо пörт гыч  
чүчүжө почеш лектеш.

Уремыште юалге гынат, пашам ыштыме  
годым от кылме. Тук-тук-тук веле шокта.  
Паша шолеш. Икмынар минут гыч у шырчык  
омартам ыштышт да сад-пакчашке сакышт.  
Тоштыжымат ачалышт. Уна-влакым вашли-  
яш ямде улыт. Шырчык омарта Ванюм  
«маска» деч утарыш.

Ойлымаш



сегалт. Тудо сыра, шыдеш-  
ка, шокшештеш. Ты жапыш-  
так чевер шошым тütкын  
эскера. Уремыште кече  
шыргыжеш. Йоча-влакым  
уремышке модаш үжеш.  
Но йүштө юж пуал колта  
да нерым шиждымын  
чывышталеш.

– Уремыште могай сай  
игече. Молан модаш от  
лек? Кузе пörтыштө  
шинчет? – Ванюклан  
чүчүжө шыргыжалын  
ойла.

– Ом тошт, – йывырген вaшешта рвезе. –  
Кылмаш лүдам. Мөнгыштө модаш лиеш.  
Уремышке молан лекташ? Компьютерем  
чүктемат, кушко гына миен ом шу?! Я  
машина дене шокшо кундемышке кудадам,  
я самолёт дене чонештем, я маска дене  
кучедалам, я йолташем дене экран гоч  
ужын кутырем. Мо мыланем күлеш, чыла

### Кече шырата

Шошо толын: лум шула,  
Оралте үмбадын вүд «вола».  
Кече шыратен онча,  
Лумым вүдыш савыра.

Ылыжеш уэш садер,  
Ужарга ладыра куэр.  
Угыч шошо лач мемнам  
Йораташ үжеш туням.

Ужар түсан изи лышташ  
Мутлана ончалын күш.  
Шошым ме йоратена,  
Куанен куржталына.

Саша ИВАНОВ.  
Волжский, Сотнур.

### Синквейн

Шошо  
Мотор, вучымо.  
Шулдара, куандара, ужарта.  
Йоратыме пагытем.  
Кече.  
Олеся ВОЙКИНА.  
Шернур, Кукнур.

### Шошо ава гай

Шошо пагытым мо  
дене танастараш але көн  
лүмжө дене кылдаш лиеш?  
Татарстан Республик Агрыз  
район Кадрек школын ту-  
немшыже-влак йодышлан  
тыге вaшештат.

Мыланем шошо – тиде  
еш. Ешыште сай, ласка,  
чон ыра. Авамже кече  
гай. Тудо школышто  
пашам ышта. Йоча-влак  
авамым Любовь Геор-  
гиевна маныт.

Виктория ТКАЧЕНКО.

Шошо – тиде  
сылне пүртүс. Тиде  
пагытым шижын мошгаш  
мыйым авам туныкта.  
Тудо школышто биоло-  
гий урокым вүда. Авам  
поро кумылан. Мыят  
тудын гай лийнем.

Мария МИНГЛИНА.

Мый окнашке ончалам,  
Тушто кайыкым ужам.  
Шокшо шошо толынат,  
Кайык-влакым қонденат.

Маша ИВАНОВА.  
У Торъял школ.



Даша КУШАКОВАН  
сүретше.  
Морко, Коркатово.

## Ялем

Мый Карай  
ялыште, Кўсола  
уремыште, илем.  
Ялем кажне пагы-  
тыште моторлыкшо  
дене ойыртемал-  
теш. Воктенак –  
саскалан, понгы-  
лан поян чодыра.  
Пошкудо-влак поро  
кумылан улыт. Ик-  
те-весе дене кел-  
шен илена.

Эмилия  
**ПОЛИКАРПОВА.**  
Волжский  
район.

### Лудын ончыза

Та-та-та, та-та-та –  
Теле пагыт вет эрта.

Ож-ож-ож, ож-ож-ож –  
Чодыраште шуко кож.

Ук-ук-ук, ук-ук-ук –  
Тумырым пералта Эчук.



Аван пайремжылан кажне гана открыт-  
кым шке ыштенна. Тений көршөкыштö пеледышым  
ончен куштенна да пөлекленна (снимкыште). Пайрем кече  
вашеш туныктышына дене пырля сылнымут да мурсем салам-  
лымашым ямдыленна. Тидым видео гоч ончыктенна. Авана-влак-  
лан чот келшен. Пашанам иктешлымеке, «Авамлан пөлек» проектым  
возенна.

Алина ИВАНОВА.

Параньга, Кугу Пумарий.

Ет-ет-ет, ет-ет-ет –  
Чапле «Ямде лий» газет.  
**Н.ГОДУНОВА,**  
воспитатель.

Йошкар-Ола,  
80-ше номеран йочасад.

Рекламе.

М. ШКЕТАН ЛҮМЕШ  
МАРИЙ КУГЪЖАНЫШ  
ДРАМЕ ТЕАТР

9/04  
18:00  
Комедий  
**Ен мари - вот мари!** 16+

10/04  
16:00  
Комедий  
**МАРИНАВТ-ВЛАК**  
але Теве кушто илышет! 12+

11/04  
16:00  
Мизика  
**ШИЙ ПАМПАЛЧЕ** 6+

КАССЕ 8(8362) 78-13-78 SHKETAN.RU

### Мастар кид

Лумпеледышым  
ыштыза.



Пöрткайык-влак йўштылыт гын,  
шокшо игечым вучо.

Шошым лум писын шула, вўд шуко  
гын, кеңеж йўран лиеш.

Калык пале.



«Ямде лий» йоча газет  
Тўн редактор  
Л.Н.ГРИГОРЬЕВА.  
Индекс: П4696.  
Тираж 1150 экз. Заказ  
Формат – А-4-8.

[https://vk.com/yamde\\_lii](https://vk.com/yamde_lii)  
<https://ok.ru/yamdelii>  
E-mail: [yamde\\_lii@mari-el.ru](mailto:yamde_lii@mari-el.ru)  
(документ кагазлан),  
[yamde\\_lii@mail.ru](mailto:yamde_lii@mail.ru)  
(автор-влаклан)  
Сайтын адресше: ямделий.рф

**УЧРЕДИТЕЛЬ-ВЛАК:** Ма-  
рий Эл Республикысе  
культур, печать да калык-  
влакын пашашт шотышто  
министерстве, «Ямде лий»  
газет.

Газетым редакцийште погы-  
мо да версталыме, «Марий Эл  
Республикысе Правительствын типографийже» ООО-што  
ямде оригинал-макет гыч савыктыме. Типографийын  
адресше: 424000, Йошкар-Ола, Комсомольский урем,112.

Газетым Массовый коммуникаций  
сферыште да культур наследиым  
аралымаште законодательством шук-  
тен шогымым эскерыше Федеральный  
службын Приволжский федеральный  
округысо управленийыштыже регист-  
рированыме.  
Номер – ПИ №ФС 18-1999,  
2005 ий 10 февральыште пуымо.

0+

Печатьыш пуымо жап –  
14-00,  
фактически – 13-00

Авторын да редакцийын шоньма-  
шышт түрлө лийын кертыт. Серыш-  
влак мөнгеш огыт колталт.  
Ак – кутырен келшыме почеш.

Редакцийын да издательын адресше:  
424006, Йошкар-Ола, СССР Вооружённый  
Вийын 70-ше идалыкше урем, 20-шо пöрт.  
Тел. 8(8362) 45-22-82(факс)

**Конкурс**



**Кидмастар  
улам**

**Кира ВЕСЕЛОВА.**  
У Торъял, Токтарсола.

**Костя ШЕХУРДИН.**  
Шернур, Кукнур.

Сүрөт-  
тым  
чийл-  
тыза.



Тыште мо уто?



Анналан йомакыш  
логалаш мотор макияжан  
чурийым сүрөтлыза.

Үлнө ончыкты-  
мо пазл-вак кокла гыч  
кудыжо сүрөтлыште уло?




**Тушто**

Урмыжеш, шўшка,  
Укшым тодыштеш.  
Пуракым  
нўлталеш,  
А от  
уж.

Пеледыш-влакын лышташыш-  
тым муза.



**Фигур-влакым  
шотлыза.**



**Шошо нерген калыкмутым пале.**

Шошо жап – идалыкым пукша.	телым от ыре. Шошо шемгорак
Шошо мардеж паша пайрем.	сывын шарен. Шошо
Шошым от пўжалт гын, пеледышыж дене мотор.	шокшо жап. Шошо –
Шошо толеш почеш толеш.	лумым кочкеш. Шошо кече

**В.СМИРНОВ** ямдылен.

Интернетысе сүрөт-влакым кучылтмо.